

سنة لکی در سعادت ایچون مجیدیه
یکرمی غروش حسابله الشمس
غروشدر

طشره ایچون پسته اجر قی اوله رق
اون بش غروش ضم اولنور

نسخه سی ۴۰ پاره در

فکر دیکر لرینه

آبونه اولق ایستینلر دائره عدلیه ده
اداره مخصوصه سنه مراجعت
ایملدر

اعلاناک بهرندن بر مجیدیه اخذ
ایدلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توقیحات

در سعادت استیناف محکمه سی اعضائی در سعادت
بدایت محکمه سی مستنطق اعضا سندن سعادتلو
صدرالدین بک افندی حضر ت لرینه

در سعادت بدایت محکمه سی مستنطق اعضائی
در سعادت استیناف محکمه سی اعضا ملازملرندن
عزتلو جیل بکه

در سعادت استیناف محکمه سی اعضا ملازملکی
در سعادت بدایت محکمه سی اعضا ملازملرندن احمد افندی به
در سعادت بدایت محکمه سی اعضا ملازملکی
در سعادت بدایت محکمه سی مدعی عمومی معاونلرندن
فضیلتلو نسیب افندی به

در سعادت بدایت محکمه سی مدعی عمومی معاونلکی
در سعادت استیناف محکمه سی تجارت قسمی ضبط
کتبه سندن و مکتب حقوق شاهانه مأذونلرندن مصطفی
قدری بکه تفویض بیورلش و مشار و مومی الیهمدن
مخلف بولنمان مصطفی قدری بک علی الاصول بوکره
امر تحلیفی اجرا قلمشدر.

تجربین و تحویل

ادرنه ولایتی استیناف محکمه سی اعضا لغنه
جزایر بحر سفید ولایتی استیناف محکمه سی باش کاتبی
خلیل بدری افندی

سلانیک ولایتی استیناف محکمه سی اعضا
ملازملکنه مکتب حقوق شاهانه مأذونلرندن محمد
امین و حافظ حسن فهمی افندیلر

قوصوه ولایتی استیناف محکمه سی اعضا ملازملکنه
اشقودره ولایتی مرکز بدایت محکمه سی اعضا سندن
حسن ذکی و قرجه آباد قضاسی بدایت محکمه سی اعضا
سابقه سندن و مکتب مزبور مأذونلرندن قدرت افندیلر
مناسر ولایتی استیناف محکمه سی اعضا ملازملکنه
مکتب مزبور مأذونلرندن علی وصفی و اسماعیل حق
افندیلر

ادرنه ولایتی استیناف محکمه سی اعضا ملازملکنه

تبلیغات

مکتب مزبور مأذونلرندن مصطفی عاصم و کلیولی سنجانی
بدایت محکمه سی اعضا سندن و مکتب مزبور مأذونلرندن
ابراهیم صفوت افندیلر تعیین اولمش و مومی الیهمدن
مخلف اولمیان محمد امین و حسن فهمی و علی وصفی
و اسماعیل حق و مصطفی عاصم افندیلر علی الاصول
امر تحلیفی اجرا قلمشدر.

نفوس وقوعات و معاملانندن طولای نظامنامه
مخصوصی حکمنه توقیفاً مجالس اداره دن حکم اولنان
جزای تقدیلری تسویه و ایفادن امتناع ایدنلرک جزا
قانوننامه هایوننک اوتوزیدنچی ماده سنک فقره
اخیره سنه توقیفاً حبسلری لزومنه مجالس مذکورده دهمی
قرار ویرلک و یا خود طوغریدن طوغری به مأمورین
اجرائیه طرفندن حبس و توقیفلری جهته می کیدلک
اقتضا ایده جکنک تعیینی امرنده تردد حاصل اولمش
ایدو کندن بخله استفسار معامله بی متضمن یانیه ولایتی
استیناف محکمه سی مدعی عمومی لکنندن وارد اولان
۲۲ ایلول سنه ۳۲۲ تاریخی شقه اوزرینه جزا
قانوننامه هایوننک سالف الذکر اوتوزیدنچی ماده سنی
معدل اولق اوزره اخیراً موقع اجرایه وضع اولنان
و دستورک دردنچی جلدینک سکنز یوز ایکنجی
صحیفه سنده مرقم بولنان ۱۹ کانون ثانی سنه ۲۹۵
تاریخی مواد قانونیه حکمنجه بالعموم جزای تقدیلره
متعلق اولان معاملات تنفیذیه نک اثبات اقتدار کلفته
حاجت اولقمسزین محکوم علیهمک طقسان بر کون
مدت حبسی و اموال و اشیاسی اولدینی صورتده
بونلرک فروختی صورتلریله اعلامات حقوقیه اجرا
قانوننه تابع طوتلش اولمسنه نظراً احوال مماثلده
بووجهله معامله ایفاسی اقتضا ایده جکی انجمن
عدلیه دن افاده و اولوجهله ایفای معامله اولنق اوزره
عدلیه نظارت جلیله سندن مذکور یانیه استیناف
مدعی عمومی لکنه تبلیغ ماده قلمشدر.

محکمه تجارت موقت اعضا لغنه انتخاب اولنوبده
دیکر لرینه نسبتله اقلیتده قلمش و هیئت حاکمیه طاری
نقصانی اکمال ایچون جلب و دعوت ایدلکنده بولمش
اولانلرک شو صفت حاکمیتلری نه قدر مدت دوام
ایده جکنک استفسارینی متضمن ارضروم ولایتی
استیناف محکمه سی مدعی عمومی لکنندن وارد اولوب
انجمن عدلیه به حواله قلنان ۱۲ ایلول سنه ۳۲۲
تاریخی شقه اوزرینه ذیل قانون تجارتک تشکیلاته
تعلق ایدن ایکنجی فصانک مواد محتویه سی احکامنجه
اعضای موقتیه نک معین اولان مدت مأموریتلری
ختمانده تجدیدی ایجاب ایدن انتخاب صره سنده
اقلیتده قالانلرک یرلرینه ده دیکر لرینک انتخابی طبعی
اولمسنه نظراً اولکی انتخابک ایجابانی دائره سنده کورک
موقت اعضا لغنه تعیین اولمش و کورک اقلیتده قلمش
اولسون جمله سنک صفت حاکمیتلری ختام مدته
تجدید اولنه حق انتخاب زمانه قدر معتبر و مرعی اولق
لازم کله جکنندن بووجهله مذکور مدعی عمومی لکنه
تبلیغات جوابیه یفاسی انجمن مذکورده دن بیان وافاده
و اوجهله عدلیه نظارت جلیله سندن تبلیغ ماده قلمشدر.

عدلیه نظارت مهبله سنده عدلیه مفتشدره حاکم
استینافیه مدعی عمومی لکنه نظیر قلنامه خبرات مرمیه
موردیدر:

مرتبه اولی مأمورین عدلیه سنک صورت انتخابی
متضمن طشره عدلیه انجمنلرندن تنظیم و تسیر اولنان
مضابطک اکثرنده اسباب قانونیه سردیله عزل ایدیلان
مأمورین حق لرنده بالآخره اجرا قلنان تحقیقات
نتیجه سنده عزل و تبدیللرینی موجب اولان احوالک
ثابت اوله مامسندن دولای هیأت مخصوصه اتهامیه جه
منع محاکمه لرینه و یا خود عندالحاکمه برائت لرینه قرار
ویرلکنده و بونلرندن بعضیلری جواز استخدام قراری
و بر مأموریت استحصالی ضمننده مصارف کلیه اختیاریه
در سعادت قدر کلکنده و بوحال مأمورین مومی الیهمک
مغدوریتلرینی انتساج و دوائر متعلقه سنجه ده بیهوده
معاملات و مخبراتی استلزام ایتمکنه و مشکاعنه اولان

بولدیغنه قرار ویرلمسی مخالف قانون کورلدیگندن قرار نامه مذکورک تقضی لازم کله چکی انبا اولمشدر . ایجابی لدی المذاکره ذکر اولنان مستطقلارک بشقه بشقه ولایت هیئت اتهمیه سنه مربوط اولدقلری جهته خصوص مذکورک تعیین مرجع صورتیه فصلی محکمه تمیزه عائد اولدیغی قرار آلتیه آندقدن صکره اولوجهله تدقیقات تمیزیه اجراسنه لدی الاستدار اوراق موجوده مألرینه نظراً جرم مدعا بهک کوتاهیه سنجانی داخلنده وقوعولمسته و تحقیقاتده ابتدا اوراجه بدأ مباشرت ایدلش اولمسته مبنی اورله قضای مستطقی طرفندن ویرلان قرار موافق اصول وقانون اولدیغندن اصول محاکمات جزائییه قانونک دریتوز اون سکزنجی ماده سی موجبجه تحقیقات مذکورک اجرا واکلی ذکر اولنان کوتاهیه سنجانی مستطقلکنه عائد اولدیغنه واولوجهله معامله اولنق اوزره اوراق مرقومه نك غلظه اعاده سنه ۲۱ تشرین ثانی سنه ۳۲۱ تاریخنده متفقاً قرار ویرلدی .

۵۶۴ نومرولی نسخه ده مندرج درسعادت جنایت محکمه سی اعلامنک مابعدی :

ادعا شهودندن اولوب جندی میداننده شهسواربک محله سنده صبری بک خانسه متصل خانه ده اقامتله تریلک ایدن اوتوز الی یاشنده آستانلی محمد امین بن علی افندی حقه ده ایکی دفعه یازیلان تحری مذکره سنه جواب آله مدیغی اکلاشلماغه معاون مومی الهک طای وجهله مستطقلکجه مع القیم مضبوط بولنان افاده نامه سنک قرائت ایتدیرلمسه دائر ویرلان قرار طرفینه بعد التفهم مذکور افاده نامه اوقوتدیرلقدقه برکون نیج چاوش نامنده بریسنک علیه اقامه ایلدیکی برسرقت دعواسندن طولانی اوراقیه معاً جهت عدلیه یه تودیع ایدلکه بره قلعده اوطورمقده ایکن اسنک میرکونلی اسماعیل اولدیغی صکره دن اوکرندیکی متهم اسماعیلک ده مذکور بره قلعده ترکوشه سنده اوطوروب دوشونمکده اولدیغی کورمکه اسانی و محل مذکور نه ایشله کلدیکی صورتدیغنه کندوسنه خطاباً و خفياً یورکی اسمنده بریسنی چالشمق ایچون غلظه ده بره قلعده خانه یه ویروب برقای کون چالشدقدن صکره قهوه چینک پاره سی سرقت ایدرک فرار ایتدیکی اوسته سنک خبر ویرمی اوزرینه کندوسیده اوتاندیغندن مرقوم یورکی نی آرامغه باشلادیغی وقوری بالق هامنده چالشمقده اولدیغی استخبار ایتدیگندن ایرکنجه مذکور حممه کیدرک

مرقوم یورکی به تکرار اوسته سنک یانه کتورمسنی تکلیف ایتدیگنده هامده یورچی اولدیغندن کیده میه چکی جوابی ویره رک مشتری لردن بریسنی کیدرمک ایچون یوقاری چیقملغه کندوسیده آرقه سنندن چیقدیغی و تکرار اشانی اینکله کندوسیده اینه رک بردها تکلیفنده راضی اولدیغندن هامده بولنانلرک مانعته رغماً حامل اولدیغی قاسنی بالته شیر یورکی به صابلا دیغی ویره دوشمی اوزرینه بش دفعه ده اوره رق قاجه جی ائشاده مأمورین ضابطه نك اللرنده روولور اولدیغی حالده قیونک اوکنده طورمقده اولدیغی کورمسنندن هامک درونته قاجه رق وقای صابندن قیرهرق آبدستخانه یه آدیغی ونهایت مأمورین ضابطه نك بالورود کندوسنی حمام دروننده دردست ایدرک وقایده بالتحرری بولهرق معاً قره غولخانه یه کورتورب استجواب ایتدکرلنده کثیفی علی وقوعها اقرار ایتش ایهده مرقوم یورکینک الآن خسته خانه ده اولوب کیمسی ایلدیکی و کیمسی برحیات اولدیغی سونکده اولدقلرندن اسکار ماده ایده چکنی و مرقوم یورکینک وفای تقدیرنده ایشنک وخامتی دوشونمکده اولدیغی حکایه ایلدیکی اخبار ایتدیگنی مین کورنمشدر .

متهم اسماعیل بره قلعده یالکیز شاهد مرقومی بولنمشدر جوابی ویردی .

اظهارحق شاهی اولوب جالی جوارنده حیدر حامی محله سنده راشدپاشانک خانه سنده مستأجراً مقیم معونه جی مانولک اوغلی بولنان اون الی یاشنده یورکینک کلدیکی اکلاشلدیغندن جانب ریاستندن جلبدن فراغت ایلدیکی واستطاقاً مضبوط بولنان افاده سنک اظهار حقه مدار اولنق اوزره قرائت ایتدیرلمسنک تسبب ایلدیکی طرفینه اکلا دلقدن صکره قرائتده کندوسی وقعه دن مقدم قوری بالق هامنده بره قلعده قدر چالشب چیققدن صکره غلظه ده واقع شودورینک قهوه خانه سنه کیدرکی و مرقوم شودورینک قهوه خانه سی قیامی اوزرینه مرقوم اسماعیل کندوسی بشقه برحله کوتورمک ایستمش ایهده کتمیوب تکرار قوری بالق هامنه کلدیکی وایرتمی کونی صاحبین حممه بالورود یانه چاغره رق کیتدیگنده البسه سی کینوب کتماری تکلیفنده بولنغانه کندوسی روی رضا کورستمدیگندن قباتندن وقواندن آرقه سنندن وبلنک ایکی نمندن جرح ایلدیکی خصوصاتی حاوی اولدیغی اکلاشلدی .

قرائت اولنان اشبو افاده نامه یه نه دیه چکی متهم اسماعیلان صورلدقده سبب بیان ایتیه رک قبول ایتیه چکنی سولدی .

استیضاح واقع اوزرینه طرفینک توسیع تحقیقاته متعلق بشقه مطالی اولدیغی اکلاشلماغه تحقیقاتک بوندن عبارت ایدوکی بیان اولندقه معاون مومی الیه متهم اسماعیل یورکی یینلرنده حاصل اولان منازعه اوزرینه قتل قصدیه جرح ایلدیکی حالده اسباب مانعه حیلولیه ماده قتل فعله چیقاره مدیغی کندوسنک ضابطه حضورنده وقوعبولان اقرار واعترا فانی وشاهد لرک شهاداتی ومعاینه راپوری مندرجانی ودلائل وامارات سائر ایه ثابت اولدیغندن اولوجهله مجرمیته قرار ویرلمسی طلب واداعه ومدافعه وکیلی موکلنک یورکی جرح ایلدیکی محقق اولوب انجیق جرح مذکور ی قتل قصدیه ایقاع ایتدیگنه دلالت ایده چک هیچ بر دلیل واماره موجود اولدیغی بالیان موکلنک عادی جرح اولدیغنه قرار ویرلمسی استدعا ومتممه دیه چکی اولدیغی انبا ایلرله محاکمه نك ختام بولدیغی طرفینه بالتفهم هیئت مذاکره اوطه سنه چکلدی .

(بقیه سی کله چک نسخه یه)

کاظم افندی الیه همشیره سی نکارخانک خانه لرینک مطبخ باجاسنی هدم ایتدیکی ثابت اولان رفقی افندی نك اوج ماه حبسنه وخسار بدلی اولنق اوزره التمش غروشک بالتحصیل مدعیلره اعطاسنه و مبلغ مزبورک ربی بولنان اون بش غروشک دخی جزای نقدی اولنق اوزره مرقوم رفقی افندی نك اخذینه لئونیدیه ناموسه طوقور سوزسولدیکی شهادتله تبیین ایدن پنا یو بدن بر آلتون جزای نقدی اخذینه یکدیگری ضرب ایلدکر ی تحقیق ایدن غلظه ده ساکن ابراهیم الیه حسینک بره قلعده مدله حبسلرینه بک اوغلی بدایت محکمه سی جزا دائره سنجه قرار ویرلشدر .

اعلانات

درسعادت استیفاف مدعی عمر بیکلنده :

واصونک خانه سنده قصداً ایقاع حریقه تصدی واموال منقوله سنه ایراث خسار ایلدیکی ادعاسیه مظنون علیه اولوب غیرموقوف بولنان تبعه یونانیه دن بک اوغلنده ترلا یاشنده انانیک زقاعنده درت نومرولی خانه ده متصرفاً مقیم بک اوغلنده تکیه جوارنده سکر نومرولی دکانه قوندیره جی اوتوز ایکی یاشنده قوزی ولد لئونیدا بونیسک اصول محاکمات جزائییه قانونک مواد مخصوصه سی احکانه توفیقاً جنایت محکمه سنده محاکمه سی اجرا قلنق اوزره قانون جزانک یوز التمش دردنجی ماده سی موجبجه جنایتله اتهامه قرار

ویرلدیگندن متهم مرقومک هر زرده کوریلور ایه طوتیلوب محکمه مذکورده توقیفخانه سنه تسلیمی لازم کله چکی بالجله ضابطه عدلیه مأمورلرینک معلومی اولنق اوزره اشبو اخذوکرفت مذکره سی درسعادت هیئت اتهمیه سنندن بالتظلم اعطا قلندی .

سیم مجیدیه چاریکلرینی یالدرلامق وعلی بی طولاندیرمق جرملرله مظنون علیه اولوب غیرموقوف بولنان اورتوبولی ، آجیق آیینی ، الاکوزلی ، اورتی برون واغزلی ، سیاه صاج وقاش وبقی ، مدور چکلکی قیان دقیق جوارنده قبله چشمه سنده اون سکر نومرولی دکانه بقاللق ایدن الی بریاشلرنده قصیره لی بدوس ولد دیمترینک اصول محاکمات جزائییه قانونک مواد مخصوصه سی احکانه توفیقاً جنایت محکمه سنده محاکمه سی اجرا قلنق اوزره قانون جزانک یوز قرق اوچنی ماده سی موجبجه جنایتله اتهامه قرار ویرلدیگندن متهم مرقومک هر زرده کوریلور ایه طوتیلوب محکمه مذکورده توقیفخانه سنه تسلیمی لازم کله چکی بالجله ضابطه عدلیه مأمورلرینک معلومی اولنق اوزره اشبو اخذوکرفت مذکره سی درسعادت هیئت اتهمیه سنندن بالتظلم اعطا قلندی .

بکقوزده صریه بیکار قریه سی اهایلسندن رنجبر مصطفانک کیفیت جرح وقتلندن طولانی مظنون علمها اولوب وقعه یی متعاقب فرار ایتش اولان قریه مذکورده جوارنده کی برچفتلکده چویان اورتی بولی ، اسمر بکزی ، آقره بقی ، الاکوزلی یکرمی اوچ یاشلرنده بیاض بوطور وسیاه جاک وچاریق اکتسایلارانبود رمضان الیه رفیقی اون پدی یاشلرنده شاب امرد زکریا نام دیگر بختیارک اصول محاکمات جزائییه قانونک مواد مخصوصه سی احکانه توفیقاً جنایت محکمه سنده محاکمه لری اجرا قلنق اوزره بولرندن رضا نك قانون جزانک یوز تیشنجی وزکریانک یوز تیش لشنجی ماده لری موجبجه جنایتله اتهاملرینه قرار ویرلدیگندن متهمان مرقومانک هر زرده کوریلورلر ایه طوتیلوب محکمه مذکورده توقیفخانه سنه تسلیم لری لازم کله چکی بالجله ضابطه عدلیه مأمورلرینک معلومی اولنق اوزره اشبو اخذوکرفت مذکره سی درسعادت هیئت اتهمیه سنندن بالتظلم اعطا قلندی .

درسعادت جنایت محکمه سنده :

بیک اوچوز یکرمی ایکی سنه سی قانون اولنک اوتوزنجی جمعه کونی ساعت درت راده لرنده ادرنه قیومی جوارنده صالطه قرقده چاقراغا محاکمه سنده

بربر ابراهیم افندی نك کیفیت جرح وقتلندن طولانی متهم اولان وعقیب وقعه ده فرارینه مبنی دردست ایدیه میان محل مذکورده قائم مقام موسی بکک متصرف اولدیغی دکانه بقاللق ایدن قونی ولایتک کلوری قریه سی اهایلسندن اورتی بولی ، الاکوزلی ، طیقنازجه وجودلی ، ترسیاه بیق وقاشلی ، وقرمزی یوزلی یکرمی الی یاشنده لیغور ولد لازارینک الیوم دردست اولنه مامسته بناً مرقومک محکمه یه کلیمی ایچون تاریخ اعلاندن اعتباراً جانب ریاستندن کندوسنه مجدداً اون کون مهل اعطا قلمشدر مهل معین ظرفده مرقوم محکمه یه کلدیکی حالده قانون اطاعت ایتماش نظریله باقیلهرق حقوق مدینه دن اسقاط قلنجه جی وعلهنده دعوا یه قیام اولنجه جی و محاکمه غیایه سی ائشاده اموالنک جز آلتیه آله جی و بوسره ده برکونه ادعایه حق اولمه جی و مرقومک بولندیغی محلی بیلارک خبر ویرمکه و بالجله ضابطه عدلیه مأمورلرینک کندوسی طومغه مجبور بولندقلری کی معاملات جزیه حقه ده دخی مدعی عمومیکه تبلیغات مقتضیه اجرا ایلدیکی جهته اصول محاکمات جزائییه قانونک اوچوز تیش رنجی و اوچوز تیش ایکنجی ماده لرندن استنباط اولنان احکانه توفیقاً اشبو قرا نامه بالتظلم اعلان اولتور .

اعلانات شرعیه اجرا دائره سنده :

ناجه خانک صالحه رایعه خاتم ذمتده بااعلام شرعی آله جی اولان مبالغه مقابل مدیونه مومی الهیانک عهده سنده اولوب مرهون وقروخی محکوم بولنان اسکدارده باغلر یاشنده آلتونی زاده محله سنده درت نومرو الیه مرقم مع کوشک باغک اون بش سهم اعتباریه الی سهم حصه شایعه سنک تاریخ اعلاندن اون بش کون صکره فروخته تشبث اولنه چغندن طالب اولانلرک وبوندن زیاده معلومات تلق ایستیلرک مدت مذکورده ختامندن صکره اعلانات شرعیه اجرا دائره سنه مراجعت ایللری اعلان اولتور .

حکمر تجارت اجرا دائره سنده :

ایساق بولیدی یه اولان دین محکومک تأمین تسویه سیچون ابنیه قالفه لرندن حاجی آرتین آله یانک صابیه ده قوجه مصطفی پاشا محله سنده تیورجی اوسکهان سوقاعنده اوتوز سکر مکرر اوتوز سکر نومرولره مرقم علی التخمین اوچوز کسور ذراع عرصه ده اوج قات بیری طقوز اوطه وایکیشرفه ویرر مطبخ و مرمردوشلی بررحولی وودروملرنده برر کورلک وفوقده برر تراجه و آرقه جهتنده برر

مقدار باغچه و برکوز مشترک صو قیوسنی مشتمل و یوز الیشر غروش ایجاره متحمل کارگیر ایکی باب خانه ده متصرف اولدیغی نصف حصه لری بوندن اقدم موقع مزایده یه قونیه لر ق عثمانلی لیراسی یوز غروش حسابیه الی بیک غرو شده طالبی عهده سنده قالمش و تاریخ اعلاندن اعتباراً اوتوز برکون یعنی کله جک مایس رومینک بشنجی جمعه ایرتسی کونی ساعت اونه قدر یوزده بش ضم قبول اولتسی و ذکر ابلان یوم و ساعتده صوک مزایده سی بالاجرا قرار قطعیمی ویریلرک طالبی عهده سنده کچورلسی مقرر بولنش اولدیغندن و آندن صکره هر نه ضم وقوعبولور ایسه قبول اولتیه جغندن مذکور حصه لره یوزده بش ضمیله طالب اولانلرک و ده ا زیاده معلومات آلمق ایستینلرک مدت مزبورده ظرفنده بدل مزایده نك عشرینه مساوی پی اچه سیله برابر محکمه تجارت اجرا دائره سنده مراجعت ایلملری و یوم و وقت مزبورده املاک مذکوره پیشکاهنده مأموری مواجهه سنده حاضر بولملری دائره مذکوره دن اعلان اولنور .

یونان دولتی تبعه سندن یانی ولد اسپرونک مقدما غاطه ده قره مصطفی پاشا زقاغنده الی ایکی نومرولو محله ده مقیم ایکن الیوم محل اقامتی مجهول بولنان تبعه دولت علیه دن تئودوس ولد غاوریل ذمتده برنجی محکمه تجارتدن ویریلان و علی الاصول صورتی ۳۱ کانون نانی سنه ۳۲۱ تاریخنده تبلیغ قانان ۱۳ حزیران سنه ۳۲۱ تاریخلی اعلام موجبجه الاجنی اولان الی بحق لیرا اونبر غروشک نظاماً ایجاب ایدن گذشته و مصارف محاکمه سیله برابر تسویه ایلسی و عکسی تقدیرده معامله قانونیه نك ایفا اولنه جنی حقنده مدیون مرقومک محل اقامتی مجهول بولنمق ملاسه سیله ۱۱ شباط سنه ۳۲۱ تاریخنده غزنه لرله اعلان اولنان اخبار نامه ده معین اولان طقسان برکون مدت مرور ایلدیکی حالده مبلغ محکوم به تسویه اولنه مامسندن ناشی غلطه ده کمانکش محله سنده قره مصطفی پاشا زقاغنده الی ایکی نومرو ایله مرقم مع او طه بر باب معازده مدیون مرقوم تئودوسک ارنا متصرف اولدیغی نصف حصه شایعه سی اجرائی اوله رق حجز آلتنه آلتش اولمقله اشبو نیسان رومینک دردنجی چهارشنبه کونندن اعتباراً اون بش کونه قدرینه ادای دین اولندیغی و یاخودیبعی اهون اوله رق منقول و غیر منقول سائر اموال ارئه ایدلمدیکی حالده مارالذکر نصف حصه نك بالمزایده فروختیه اتمانندن تسویه دین ایتدیریه جکنی متضمن تنظیم قننان اشبو اخبار نامه مدیون مرقومه تبلیغ ایدلمش عد اولنمق

اوزره محکمه تجارت اجرا دائره سی دیوانخانه سنده تعلیق اولندیغی کبی غزنه لرله دخی اعلانه مبادرت قانندی .

در سعادت اعلامات نظامیه اجرا دائره سنده

عدد

- ۲ طاش تکنه
- ۱ کوشه تکنه سی
- ۱ قیو بیه زیکی
- ۱ ایکی ایاقلی طالغله طاش تکنه

البسه جی ژوزف قاره نك طاشجی یوان سیمونیدی ذمتده جهت کفالتدن با اعلام نظامی آله جنی اولان مبالغک تأمین استیفاسی ضمنده مدیون مرقومک مالی اولوب بروجه بالا حجز آلتنه آدیریلان بش قلم طاشک تاریخ اعلاندن اعتباراً اوچ کون صکره یعنی نیسانک اوچنجی صالی کونی بلاطده واپور اسکله سی جاده سنده طاشجی دکاننده بالمزایده فروخت اولنه جغندن طالب اولانلرک محل مذکوره حاضر بولملری در سعادت اعلامات نظامیه اجرا دائره سندن اعلان اولنور .

بفاد تجارت محکمه سنده

بغدادک سیف محله سنده مقیم خرده فروش حسین بن علی المهدی الحیدرک اعلان افلاسه و دکان و مغازه لرنده کی اشیا تجارتیه سیله خانه سنده کی اشیا زائده بیتیه سنک و بالجمله اوراق و دفاترینک تمهیرینه و محکمه جه تعیین اولنه جق مقدارده کفالت نقدیه معتبره ارئه ایده مدیکی تقدیرده توقیفنه و مصالح افلاسیه نك رؤیتی ایچون محکمه اعضای موقته سندن عبدالکریم افندی نك ژور قومیسر و مأذون دعوی وکیللرندن سلیمان فائق و منشی حکیم افندی لرک موقت سنديک تعیینلریه واشبو حکمک موقتاً اجراسنه بغداد تجارت محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سنديک انتخاب ایلک اوزره اصحاب مطلوبک اشبو ۳۲۳ سنه سی مارتنک یکریمی طقوزنجی پنجشنبه کونی ساعت بش راده لرنده محکمه نك معاملات افلاسیه رؤیتنه مخصوص او طه سنده کلری اعلان اولنور .

قونیه ولایتی مرکز تجارت محکمه سنده :

مقدما افلاس لرینه موقتاً قرار ویرلمش اولان قونیه ده مقیم تجارتدن باصدیرمه جی زاده حاجی حسن اغا ایله مخدوملری طاهر و مصطفی افندی لر شرکتک

خصوصات افلاسیه لرینک رؤیت و تسویه سی ضمنده مکرمتلو محمد وهبی و دعوی وکیللرندن او هانیان او هان افندی لر اصالة سنديک تعیین اولندقلرندن مفلس مرقومون ذمتلرنده الاجنی بولنانلرک تجارت قانوننامه هایوننک یوز طقسان طقوز و ایکسوزنجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایلملری و مدت مذکوره ختامندن صکره اوچ کونده یعنی ۳۲۳ سنه سی شهر نیساننک اون یدنجی صالی و یکریمی برنجی جمعه ایرتسی و یکریمی بشنجی چهارشنبه کونلری قونیه مرکز بدایت محکمه سی تجارت قسم نك افلاس معاملاتنه مخصوص او طه سنه کله رک سنديک افندی لر مواجهه سنده آله جق لرینی اثبات و قید و تصدیق ایتدیرملری و مدت مذکوره ده اثبات وجود ایده میان آله جق لور حقنده قانون مذکورک ۲۱۰ نجی ماده سنده توفیقاً ایفای معامله اولنه جنی اعلان اولنور .

قرتال بدایت محکمه سی اجرا دائره سنده :

قرتالده مقیم عساکر بحریه شاهانه ملازملرندن مصطفی افندی نك پدری ادرنه ولایتی داخنده قوشی قواق قضاسنک اطه بالا قریه سنده مقیم ژاندارمه ملازمی احمد افندی ذمتده با اعلام محکوم به آله جنی اولان مبالغ معلومه نك تأمین استیفاسی ایچون مدیون مومی الیهک مالی اولوب دینی مقابلنده مخدومی مومی الیه مصطفی افندی یه مرهون بونان قرتال قضاسنده چایرلر موقعنده طرفلری واسیلاکی ولیغور و قانونز آرتین باغی و طریق عام ایله محدود ووقف برقطعه و جقال ته ده طرفلری حسن و چاقیر محمد و حسین باغی و طریق ایله محدود یدی دوئم برقطعه و صواقلرده طرفلری فابریقه جی دیمتری و جانبندن اوغللری و دره و طریق ایله محدود یدی دوئم عتیق ایکی دوئم اون درت اولک اوتوز بش آرشون مربع جدید برقطعه که جمعاً اوچ قطعه ترلا ایله چتال چشمه ده طرفلری سرکز باغی و کراغوص چایری و طریق ایله محدود برقطعه باغ بالمزایده مجموعی بشیک یوز الی غرو شده طالبی عهده سنده نقرر ایتش و موقت قراردادده سی دخی کشیده ایدلمش اولدیغندن یوزده بش ضم ایله طالب اولانلرک تاریخ اعلاندن اعتباراً اوتوز برکون ظرفنده قرتال قضاسی بدایت محکمه سی اجرا دائره سنده مراجعت ایلملری اعلان اولنور .